



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DODJELI „ŠESTOAPRILSKE NAGRADE GRADA SARAJEVA“
U 2021. GODINI
ZA DOPRINOS U OBLASTI SPORTA
Lejla Tanović
(prijedlog)

Predlagač: Odbor za dodjelu
„Šestoaprilske nagrade Grada Sarajeva“ u 2021. godini

Obrađivač: Gradska služba za Gradsko vijeće

Sarajevo, mart 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i člana 16. stav 2. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19), Gradsko vijeće Grada Sarajeva, na sjednici održanoj dana _____ godine, donijelo je

(prijedlog)

ODLUKU
O DODJELI „ŠESTOAPRILSKE NAGRADE GRADA SARAJEVA“
U 2021. GODINI ZA DOPRINOS
U OBLASTI SPORTA

Član 1.

Dobitnik pojedinačne „Šestoaprilske nagrade Grada Sarajeva“ u 2021. godini za doprinos u oblasti sporta je *Lejla Tanović*.

Član 2.

Nagradu uručuje Gradonačelnik i Predsjedavajući Gradskog vijeća na Svečanoj sjednici Gradskog vijeća.

Član 3.

„Šestoaprilska nagrada Grada Sarajeva“ dodjeljuje se u obliku Povelje i sadrži novčani iznos.

Član 4.

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Dr. Igor Gavrić

Broj: 01-GV-02-____/21
Sarajevo, __.__.2021. godine



OBRAZLOŽENJE

PRAVNI OSNOV

Pravni osnov za donošenje ove odluke je sadržan u odredbi člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je utvrđena nadležnost Gradskog vijeća za donošenje Odluke o dodjeli „Šestoaprilske nagrade Grada Sarajeva“, kao i odredbi člana 16. stav 2. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19) kojim je propisano da Gradsko vijeće donosi konačnu odluku tajnim glasanjem na zatvorenoj sjednici za javnost.

RAZLOZI ZA DONOŠENJE ODLUKE

„Šestoaprilska nagrada Grada Sarajeva“ dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugim oblastima rada i stvaralaštva,

bez obzira na godinu ostvarenja, a koji doprinose ukupnom unaprjeđenju, promociji i razvoju Grada Sarajeva, kao glavnog grada Bosne i Hercegovine i Federacije Bosne i Hercegovine. Pod značajnim ostvarenjima podrazumijevaju se djela ostvarena u kontinuitetu koja se ocjenjuju kao doprinos razvoju odgovarajuće oblasti, u skladu sa kriterijima, uobičajenim za konkretnu oblast, a koja doprinose ukupnom razvoju, odnosno promociji grada Sarajeva.

Sastavni dio obrazloženja je prijedlog pristigao po Javnom pozivu za predlaganje kandidata za dodjelu „Šestoaprilske nagrade Grada Sarajeva“ u 2021. godini.

Nagrada se dodjeljuje kao pojedinačna Nagrada za izuzetan doprinos *Lejle Tanović* u „oblasti sporta“, a u skladu sa Odlukom o uslovima i načinu dodjele „Šestoaprilske nagrade Grada Sarajeva“.

Odbor za dodjelu „Šestoaprilske nagrade Grada Sarajeva“ u 2021. godini je, razmatrajući pristigle prijedloge za dodjelu Nagrade, uputio prijedlog za po dva prvorangirana kandidata za dodjelu Nagrade za doprinos u „oblasti sporta“ i to Prijedlog Odluke o dodjeli Nagrade *Lejli Tanović* i Prijedlog Odluke o dodjeli Nagrade *Islamu Đugumu*. Gradsko vijeće se, tajnim glasanjem, određuje o konačnom dobitniku Nagrade u 2021. godini u ovoj oblasti na sjednici Gradskog vijeća, a razmatrajući ova dva navedena prijedloga.

PREDLOŽENA RJEŠENJA

Članom 1. se imenuje dobitnik Nagrade u 2021. godini.

Članom 2. se određuje da Nagradu uručuje Gradonačelnik i Predsjedavajući Gradskog vijeća na Svečanoj sjednici Gradskog vijeća.

Članom 3. je utvrđeno da se Nagrada dodjeljuje u obliku Povelje i sadrži novčani iznos.

Članom 4. se određuje stupanje na snagu odluke i obaveza objavljivanja u „Službenim novinama Kantona Sarajevo“.

SREDSTVA

Sredstva za realizaciju ove odluke se planiraju u Budžetu Grada Sarajeva.

PRIMLJENO:	07 FEB 2021		
Org. jed. Broj	Prilog	Prilozak	Prilozak
04-00-04-112/21			

PRIJEDLOG KANDIDATA ZA

„Šestoaprilsku nagradu Grada Sarajeva“

Poštovani,

Ovim putem Vam uz veliko zadovoljstvo dostavljamo prijedlog Udruženja građana Klub brdskog biciklizma „Puls“ za kandidata za „Šestoaprilsku nagradu Grada Sarajeva“. Naš prijedlog je istaknuta biciklistkinja Lejla Tanović, a dok se prijedlog kandidata odnosi na oblast **sport**.

Smatramo da je svojim dugogodišnjim međunarodnim i domaćim rezultatima koji su je svrstali u jedno od najboljih biciklistkinja svijeta, a svakako i kao jednu od najboljih sportistkinja svih vremena Bosne i Hercegovine ali i Grada Sarajeva, na najbolji način predstavljala naš Grad ali i državu BiH. Pored ovog prijedloga Vam dostavljamo puni radni opus i biografiju kandidata, kao i Odluku Skupštine Kluba brdskog biciklizma „Puls“ da se Lejla Tanović kandiduje za Nagradu, kao i pismenu saglasnost kandidata.

Kandidat: Lejla Tanović

Datum rođenja: 19.06.1994. godine

Oblast prijedloga kandidata: Sport

Sarajevo, 29.01.2021.



predsjednik Upravnog odbora
Amar Njemčević

BIOGRAFIJA I SPORTSKI REZULTATI LEJLA TANOVIĆ



Lejla Tanović, MA Iur (1994), rođena u Udinama (Italija) čitav svoj život provodi u Sarajevu u kojem završava osnovnu školu Musa Ćazima Ćatić kao i osnovnu muzičku školu. Nakon osnovnog obrazovanja u OŠ "Safvet-beg Bašagić" i muzičkoj školi "Mladen Pozaić" školovanje nastavlja u Drugoj gimnaziji u Sarajevu. Na pravnom fakultetu u Sarajevu diplomirala je sa ocjenom deset, da bi magistarski studij također završila na Prvanom fakultetu u Sarajevu sa prosječnom ocjenom 9.8.

Sa svojih 15 godina počinje se baviti brdskim biciklizmom. Nakon četiri godine profesionalnog bavljenja biciklizmom plasira se među prvih 100 biciklistkinja svijeta. U svojoj karijeri osvojila je 5 titula Balkanske prvakinja i 14 titula prvakinja Bosne i Hercegovine. U svojoj dosadašnjoj karijeri osvojila je 52 medalje svjetske biciklističke federacije UCI. Proslogodišnja 2020. sezona bila je najuspješnija godina u njenoj dosadašnjoj karijeri jer je osvajanjem 8. mjesta na Svjetskom prvenstvu u brdskom biciklizmu uspjela da se plasira među prvih 7 biciklistkinja svijeta i tako postala prva osoba iz Bosne i Hercegovine koja je ušla među prvih 10 biciklistkinja svijeta. Za svoje velike sportske uspjehe uvijek je davala veliki značaj nevjerovatnom okruženju u kojem je odrasla, u Sarajevu, okružena olimpijskim planinama koje su se pokazale kao savršene za bavljenje Olimpijskim brdskim biciklizmom.

Najznačajniji rezultati u karijeri Lejle Tanović:

- Proglášena za najbolju biciklistkinju svih vremena Bosne i Hercegovine, od strane Biciklističkog saveza BiH
- Jedina biciklistkinja/biciklista koji se plasirao u top 100, top 50 i sada top 10 najboljih na svijetu
- Jedna od najboljih sportistkinja u historiji BiH
- Jedna od najboljih biciklistkinja svijeta

Sva priznanja u izboru najrelevantnijeg izbora sportiste godine u organizaciji Nezavisnih novina, BHRTa, predsjedništva BiH i Olimpijskog komiteta.

- Sportista godine u Fair Play kategoriji za 2014. godinu
- Top 3 sportistkinje Bosne i Hercegovine za 2015. godinu
- Top 3 sportistkinje Bosne i Hercegovine za 2017. godinu
- Top 3 sportistkinje Bosne i Hercegovine za 2019. godinu
- Top 3 sportistkinje Bosne i Hercegovine za 2020. godinu

U izboru Olimpijskog komiteta Bosne i Hercegovine:

- Top 5 sportistkinja Bosne i Hercegovine za 2018. godinu
- Top 3 sportistkinje Bosne i Hercegovine za 2019. godinu
- Posebno priznanje za izvanredan uspjeh za 2020. godinu

Ostala priznanja:

- Mlada ambasadorica Olimpijskog komiteta BiH
- Učesnica prvih Evropskih olimpijskih igara u Azerbejdžanu
- Najuspješnija biciklistkinja BiH svih vremena
- Najuspješnija biciklistkinja svih vremena u MTB Balkanske federacije (12 zemalja)
- Osvajačica 6 balkanskih medalja (4 zlatne) i 4. mjesta na Svjetskim univerzitetskim igrama u Portugalu
- 8. mjesto na Svjetskom prvenstvu u brdskom biciklizmu 2020. godine
- 7. biciklistkinja na listi Svjetske biciklističke federacije UCI
- 14 puta državna prvakinja Bosne i Hercegovine
- 5 puta prvakinja Balkana

U sarajevu 22.01.2021. godine

predsjednik UO Amar Njemčević



Broj: 01/21-01

Datum: 25.01.2021. godine

Na redovnoj sjednici Kluba brdskog biciklizma „Puls“, održanoj 24.01.2021. godine, Skupština je na osnovu člana 17. Statuta Kluba brdskog biciklizma „Puls“ donije sljedeću odluku:

ODLUKA SKUPŠTINE

Član 1.

Na redovnoj sjednici Kluba brdskog biciklizma „Puls“, pod rednom tačkom 5., a na prijedlog člana Harisa Buđevca, Skupština je glasala o prijedlogu da se istaknuta biciklistkinja Lejla Tanović predloži za „Šestoaprilsku nagradu Grada Sarajeva“ u oblasti sporta.

Član 2.

Skupština je jednoglasno odlučila da se usvoji prijedlog pod rednom tačkom 5. te da se Lejla Tanović ispred Kluba brdskog biciklizma „Puls“ predloži za „Šestoaprilsku nagradu Grada Sarajeva“.

Obrazloženje

Na prijedlog člana Kluba „Puls“ Harisa Buđevca Skupština je razmatrala prijedlog da se Tanović Lejla, kao jedna od najboljih sportistkinja svih vremena BiH, kandiduje za „Šestoaprilsku nagradu Grada Sarajeva“, a sa ciljem dalje popularizacije biciklističkog sporta u Gradu Sarajevu. Dalje se nalaže predsjedniku Upravnog odbora da sastavi Odluku i pripremi potrebnu dokumentaciju za Javni poziv za dodjelu „Šestoaprilske nagrade Grada Sarajeva“.



predsjednik Upravnog odbora
Amar Njemčević

Ja, Lejla Tanović, pristajem na kandidaturu Kluba brdskog biciklizma "Puls" za Šestoaprilsku nagradu Grada Sarajeva.

Sarajevo, 22.01.2021. godine


Lejla Tanović